

measg do shluaigh; ni mò a sheafas tu 'an aghaidh folá do choimhearsnaich: *Is mise an Tighearna.*

17 Cha bhi fuath agad do d' bhràthair ann ad chridhe: air gach aon chor cronaichidh tu do choimhearsnach, agus cha'n fhuiling thu peacadh air.

18 Cha dean thu dìoghaltas, ni mò bhios falachd^a agad re cloinn do shluaigh, ach gràdh-aichidh tu do choimhearsnach mar thu féin: *Is mise an Tighearna.*

19 Gleidhidh sibh mo reachda: Cha leig thu le d' s'préidh sìolachadh le gnè eile^b: Cha chuir thu t'fhearann le sìol measgta: ni mò a chuirear umad eudach measgta do olainn agus do lion.

20 Agus ge b'e neach a luidheas gu collaidh le mnaoi a *ta* 'na ban-traill fuidh cheangal-pòsaidh aig fear, agus nach d'fhuasgladh idir, ni mò a thugadh saorfa dh'i; sgiùrsar i: cha chuirear gu bàs iad, a chionn nach robh i saor.

21 Agus bheir e ìobairt-eufaontais do'n Tighearna, gu do-rus pàilluin a' choi' - thionail, *radhon* reithe mar ìobairt-eufaontais.

22 Agus ní an sagart réite air a shon le reithe na h-ìobairt-eufaontais 'an lathair an Tighearna, air son a pheacaidh a rinn e: agus mathar dha a pheacadh a rinn e.

23 Agus an uair a thig sibh do'n fhearann, agus a shuidhich-eas sibh gach gnè chraobh air son bith; 'an sin measaidh sibh an toradh mar ni neo-thimchioll-ghearrta: tri bliadhnan bithidh

e dhuibh mar ni neo-thimchioll-ghearrta: cha'n ithear dheth.

24 Ach air a' cheathramh bliadhna bithidh a thoradh uile naomha chum cliu do'n Tighearna.

25 Agus air a' chùigeadh bliadhna ithidh sibh d'a thoradh, chum as gu'n d'thoir e a chinne-eas^c duibh: *Is mise an Tighearna bhur Dia.*

26 Cha 'nith sibh *ni sam bith* leis an fhuil: ni mò a ghnàthaicheas sibh druidheachd^d, no sheallas sibh air a mannaibh^e.

27 Cha bhearr sibh m'an cuairt oifinnean bhur ceann, ni mò a mbilleas tu oifinnean t'fheusaidh.

28 Cha dean sibh gearradh sam bith 'nar feoil air son nam marbh, ni mò a chuireas sibh comhara sam bith oirbh: *Is mise an Tighearna.*

29 Na truail do nighean, a thoirt oirre bhi 'na strìopaich; a chum as nach d'thoir am fearann gu strìopachas, agus nach lionar an dùthaich le h-aingidheachd.

30 Gleidhidh sibh mo shàbaid-ean, agus bheir sibh ùrram do m'ionad naomha: *Is mise an Tighearna.*

31 Na biodh fuim agaibh dhiubhsan aig am bheil leann-ain-sith^f, agus na iarraibh a dh'ionnsuidh luchd-fiosachd, gu bhi air bhur truzilleadh leo: *Is mise an Tighearna bhur Dia.*

32 'An lathair a' chiunn léith éiridh tu suas, agus bheir thu ùrram do ghnúis an duine aosda, agus bithidh eagal do Dhé ort: *Is mise an Tighearna.*

33 Agus mìa bhios coigreach

^a mlo-run. ^b le seòrsaidh eaglamhuil. ^c shàs. ^d fiosachd. ^e man-
nath. ^f spiorada fàislinseachd.